



# CONCELLO DE CASTRELO DO VAL (OURENSE)

RÚA TOURAL, 15 - TELF. 988 419 002 - TELEF./FAX 988 419 122

## ACTA 2025-12

PRIMEIRA CONVOCATORIA

XUNTA DE GOBERNO LOCAL EXTRAORDINARIA

17 de Xuño de 2025

Lugar

SALA DE COMISIÓN DO CONCELLO

Hora de Inicio

10:15

Hora de Finalización

10:23

Presidente: VICENTE GÓMEZ GARCÍA  
Secretario: SANTIAGO DE LORENZO TABOADA  
Interventor: .

### MEMBROS ASISTENTES

CRISTINA GOMEZ DOBARRIO  
LUCIA GIL CID  
MARIA DEL MAR VALLE ALVAREZ

Pola Presidencia declarase aberta a sesión e, en relación cos asuntos previstos na orde do día da mesma, adoptáronse os seguintes

## ACORDOS:

### 1º. TOMA DE POSESION DE DONA CRISTINA GOMEZ DOBARRIO COMO MEMBRO DA XUNTA DE GOBERNO LOCAL.

Asiste a Sra. Cristina Gómez Dobarrio, que foi oportunamente notificada e convocada á sesión do día de hoxe; como queira que en virtude dunha **resolución** da Presidencia de data **5 de xuño de 2025** foi nomeado membro da Xunta de Goberno Local..

Declarada aberta a sesión polo Sr. Alcalde, manifestóuselle á Sra. Gómez Dobarrio a finalidade da convocatoria da presente sesión, que entre outras, é a súa integración neste órgano colexiado municipal, polo que primeiramente procede a aceptación expresa da súa condición de membro da Xunta de Goberno Local do Concello de Castrelo do Val, cousa que efectivamente fai.

A continuación manifestouse ós presentes que a Xunta de Goberno Local ten asignada por lei a función de asistencia ó Sr. alcalde no exercicio das súas funcións, do que quedan enterados os presentes.

### 2º. APROBACION, SE PROCEDE, DA ACTA DA SESION DO 05.06.2025 (ACTA 11/2025)

A acta apróbbase coa abstención da Sra. Gómez Dobarrio que saquela, non formaba parte da Xunta de Goberno Local.

### 3º. DETERMINACION DO PERIODO VOLUNTARIO DE COBRANZA 2025 DO IMPOSTO DE





**VEHICULOS DE TRACCION MECANICA; DO IMPOSTO DE ACTIVIDADES ECONOMICAS E DO IMPOSTO SOBRE BENS INMOBLES DE NATURALEZA URBANA, RUSTICA E DE CARACTERÍSTICAS ESPECIAIS.**

A Xunta de Goberno Local, por unanimidade dos seus membros presentes, **ACORDA:**

**PRIMEIRO:** Determinar que entre o día **1 de agosto e o 1 de outubro de 2025**, ambos incluídos, queda aberto neste Concello o período voluntario de cobranza de tributos que seguidamente se detallan:

Conceptos tributarios do exercicio de **2025** a cobrar:

- Imposto sobre vehículos de tracción mecánica (**IVTM**)
- Imposto de actividades económicas, (**IAE**, cotas municipais e provinciais)
- **IBI** de natureza **Urbana**.
- **IBI** de natureza **Rústica**.
- **IBI** de características **especiais**.

**SEGUNDO:** Que o cobramento farase de acordo có seguinte:

Datas e lugares de cobro.

Na Casa do Concello de Castrelo do Val, en horario de 9.30 ás 13.30 horas, os días **9 e 10 de setembro**.

O resto dos días do período de cobranza, do 1 de agosto ata o 1 de outubro é de luns a venres, **excepto o 9 e 10 setembro**, nas oficinas do Servizo de Recadación da Mancomunidade de Municipios da Comarca de Verín, en horario de 9.00 a 14.00 horas (están situadas as oficinas do Servizo de Recadación na rúa do Castro, 4. baixo dereita, Verín).

Con carácter xeral, pódese utilizar como forma de pagamento a domiciliación bancaria.

As débedas tributarias non satisfeitas no período voluntario de cobranza que queda fixado do **01/08/2025 ó 01/10/2025** ámbos incluídos, serán esixidos polo procedemento de constrinximento coa porcentaxe de recarga que proceda en cada caso sobre o importe, xuros de mora e, de selo caso, as custas que poidan producirse.

**TERCEIRO.** De conformidade co disposto no artigo 68 do Regulamento xeral de recadación aprobado polo Real Decreto 939/2005, do 29 de xullo, publíquese o presente acordo mediante inserción do correspondente edicto no BOP de Ourense, tablón de edictos do Concello, sede electrónica e anuncios nos lugares habituais.

**4º. PROXECTO DE ORGANIZACION, BASES E TARIFAS DA ACTIVIDADE CHAMADA "XOGAMOS, RIMOS, IGUALAMOS, VERAN 2025"**

De conformidade coa normativa aplicable contida nos artigos 41 e seguintes do Real Decreto Legislativo 2/2004, do 5 de marzo, polo que se aproba o Texto Refundido da Lei reguladora das Facendas Locais e 24 e seguintes da Lei 8/1989, do 13 de abril, de Taxas e Prezos Públicos; e en virtude do acordo do Pleno do Concello de data **22 de xuño do 2023**, mediante o que se delegou nesta **Xunta de Goberno Local** a competencia para o **establecemento ou**





## CONCELLO DE CASTRELO DO VAL (OURENSE)

RÚA TOURAL, 15 - TELF. 988 419 002 - TELEF./FAX 988 419 122

### modificación dos prezos públicos.

A Xunta de Goberno Local, por unanimidade dos seus membros, adopta o seguinte **ACORDO**:

**PRIMERO.** Aprobar o proxecto de organización, o orzamento e as bases da actividade denominada "**Xogamos, rimos. igualamos Verán 2025**", coas seguintes condicións:

- a)** Duración: Desenvolverase desde o día **23 de xuño ata o 5 de setembro de 2025.**
- b)** Inscripción dos participantes, cos criterios de preferencia, que, por orde de prioridade, son os seguintes:
- Prioridade de usuarios empadronados no Municipio sobre os non empadronados.
  - Prioridade de usuarios matriculados no CEIP Raúl Fernández de Castrelo do Val.
  - Prioridade de usuarios cuxas familias precisen o servizo de conciliación.
  - Prioridade segundo os niveis de renda da unidade familiar.
- Logo de iniciarse a prestación do servizo ao usuario, terá carácter definitivo, polo que non poderá deixar de prestarse.
- c)** Requisitos de inscrición: Terá que facerse constar o nome, apelidos, N.I.F. e teléfono de contacto do pai, nai, tutor, gardador ou representante legal do menor de idade, así como a identidade do menor de idade que disfrutará do servizo, aportando xustificante de pagamento da inscrición e certificación de empadronamento, en caso de ser necesario.
- O solicitante do servizo terá que incluír todos os datos nun documento tipo, no que se fará constar a autorización de cesión de dereitos de imaxe dos menores, para a súa publicidade, no caso de que se realicen reportaxes fotográficos ou audiovisuais de calquera tipo, en relación ao servizo ou actividade prestado.
- d)** Grupos: Haberá un único grupo de nenos, con idades comprendidas entre os **3 e os 12 anos.**
- e)** Prazas dispoñibles: **Inicialmente un máximo de 30 nenos.**
- f)** Número de monitores: **1 monitor por cada oito nenos.**
- g)** Renuncia de prazas: no suposto de renuncia, logo de iniciarse a prestación do servizo, porase este feito, telefónicamente, en coñecemento do seguinte solicitante en lista de espera, se o houbera segundo os criterios de preferencia anteriormente establecidos, na asignación de prazas, para exercer seu dereito a reserva de praza, se o estima oportuno, e así, sucesivamente, ata cubrir a totalidade das prazas vacantes.

**SEGUNDO.** Acordar a fixación das seguintes condicións económicas para a prestación do servizo:

**a)** Tarifa:

Período completo	50,00 euros
Semana Xuño	5,00 euros
Mes de Xullo	25,00 euros
Mes de Agosto	25,00 euros
Semana Setembro	5,00 euros





## CONCELLO DE CASTRELO DO VAL (OURENSE)

RÚA TOURAL, 15 - TELF. 988 419 002 - TELEF./FAX 988 419 122

**b)** Obrigados ao pago: Pais, tutores, gardadores ou representantes legais do menor de idade, presumíndose, a tódolos efectos, que reúnen esta condición os que solicitan a prestación do servizo.

**c)** Momento do pago:

- Esixirase a anticipación ou depósito previo da totalidade do importe, en concepto de reserva de praza, e, como moi tarde, no momento de iniciarse a prestación do servizo.
- Queda prohibida a iniciación da prestación do servizo sen terse abonado as tarifas correspondentes.

**d)** Medio de pago: haberá de realizarse mediante ingreso, nas contas correntes bancarias, de titularidade municipal, abertas na entidade Abanca e La Caixa

**e)** Devolución:

1º). Supostos en que procede a devolución.

- Procederá cuando o servizo ou actividade non se preste, por causa non imputable ao obrigado ao pago, puidendo deducirse a contía proporcional ao tempo de prestación efectiva do servizo.
- No caso de que se realice a inscrición e, posteriormente, se desexe renunciar, libre e voluntariamente a ela, non procederá a devolución do importe, salvo circunstancias extraordinarias de carácter benéfico-asistencial, sanitario, educativo ou socio-cultural, que haberán de ser apreciadas, mediante informe do Servizo Municipal de Técnico Local de Emprego e Desenvolvemento Local.

2º). Cantidades obxecto de devolución.

- A parte prorrateada da tarifa, correspondente ao tempo de prestación do servizo que se disfrutou ou se puido ter disfrutado, en ningún caso será obxecto de devolución, ao ter estado o servizo a disposición do usuario.
- A parte prorrateada da tarifa correspondente ao tempo que falla para finalizar a prestación do servizo e aínda non disfrutado, poderá ser obxecto de devolución nos casos sinalados no número anterior desta letra, sempre e cando a praza que quede vacante poida ser cuberta por outro usuario, que asuma o pago da contía prorrateada restante da matrícula.

**TERCEIRO.** Executar a actividade mediante xestión directa por contratación laboral temporal do persoal preciso para o desenvolvemento do programa.

**CUARTO.** Ordenar a realización de todas as actuacións que resulten necesarias, para a financiación dos gastos de organización e para dar efectividade as previsións de ingresos, asumindo este Concello, se fora o caso, a parte dos gastos non cuberta, de conformidade có presuposto elaborado.

E ó non ser outro o obxecto deste acto, remata a sesión estendéndose esta acta, que o Sr. Presidente asina conmigo, o secretario, que dou fe.

O Presidente

O Secretario

